

PROVINCIA ARCADIAE.

OXYRYNCVS Ptolem. lib. 4. cap. 5. Metropoli Arcadiae in Notitia antiqua Graeca dicitur. *Dorotheus* Episcopus Oxyrynchi subscripsit Concilio Constantinop. primo, & *Petrus* Ephesino.

HERACLEA superior Ptol. ibid. dictaeque Notitiae. *Heraclides*, qui in actibus Ephesinis legitur huius fortè Antistes erat.

ARSINOE Ptolem. ibid. quæ & Ciuitas Crocodilorum. D. Athanasius *Andream* huius Episcopum habet in epistola ad Antiochenes, & *Calosirius* Arsinoës in Concilio Chalcedonensi legitur.

THEODOSIOPOLIS dictae Notitiae quæ & Theodosiana, Tom. 2. Conciliorum. *Soter* Theodosianæ Episcopus dicitur in actis Conc. Chalcedonensis, & subscripsit pro Episcopo Arsinoës.

APHRODITOPOLIS Ptol. ibid. *Chrisaorius* Aphroditopoleos Episcopus dicitur in Concilio Chalcedonensi.

MEMPHIS Ptol. ibid. vulgò *Cairo*. *Antiochi* Mempheos Episcopi meminit Concilium Nicænum.

CLISMA, Ptol. ibid. *Stephanus* Episcopus Clismatis Concilio Constantinopolitano generali quinto subscripsit.

NILOPOLIS Ptolem. ibid. Nilus D. Athanasio, qui *Theonem* Episcopum Nili habet in Breuiario Meletij, & *Eusebius* eiusdem sedis Antistes subscripsit Concilio Ephesino.

PARALLVS dictae Notitiae. *Pasmeius* Paralli Antistes inter Ægypti Episcopos in Concilio Chalcedonensi reperitur.

THAMIAE Notitiae antiquæ in Arcadia licet pluribus in Augustamnica, vbi nunc *Damiata*. *Heraclius* Episcopus Tamiathidis Concilio Ephesino adfuit, quem ab Episcopo Pelusiensi diuersum fuisse sola Concilij lectio docet, cum in eodem *Eusebius* Pelusij Antistes nominetur.

CYNOPOLIS superior D. Athanasio in Breuiario Meletij qui *Caluim* Episcopum Cynopoleos superioris nominat.

PROVINCIA THEBAIDIS PRIMÆ.

ANTINOE Ptol. vbi supra. Metropolis dicitur in dicta Notitia, hodie *Antios*. *Lucius* Antinoes Episcopus legitur apud D. Athanasium in Breuiario Meletij: Et *Tyrannus* eiusdem sedis Antistes subscripsit Concilio Nicæno.

HERMOPOLIS maior Ptol. ibidem, vulgò *Benisuaif*. *Germadij* Hermopolis maioris Antistitis memoria est in Concilio Chalcedonensi.

CVSA Antonino, & D. Athanasio in Breuiario Meletij, qui *Achillem* Cusæ Antistitem appellat: Notitia habet mendosè Casum pro Cusam.

LYCOPOLIS Ptolem. ibid. *Meletius* Archiepiscopus Lycopolis à S. Epiphanio hæresi 69. dicitur, & *Volusianus* adfuit Concilio Ephesino.

OASIS magna Ptol. ibidem, vulgò *Agaçar*. *Patricij* Oasis magnæ Episcopi meminit Concilium Chalcedonense.

HIPSELE